

庶物類纂

蟲屬
六十

容

太政官文庫			
和書門	特別	一三三三三	茅幸署
類	號	函架	册
		四六五	

內閣文庫	
番號	和 32362
冊數	465 (369)
函號	補 54 1

百四

共四共



A 1 2 3 4 5 6 M 8 9 10 11 12 13 14 15 B 17 18 19


Kodak Gray Scale



© Kodak, 2007 TM: Kodak



八
冊
第
一
冊
第
一
頁



庶物類纂蟲屬卷之六十目次


金蠶

石中蟻


猫鬼

庶物類纂 卷之六十

蟲屬目次



金盞



本草綱目卷之六十一

蟲屬

金盞

一

金蠶

金蠶毒始蜀中近及湖廣閩粵浸多有人或舍去則謂之嫁金蠶率以黃金釵器錦段置道左俾他人得焉鬱林守爲吾言嘗見福清縣有訟遭金蠶毒者縣官治求不得蹤或獻謀取兩刺蝟入捕必獲矣蓋金蠶畏蝟蝟入其家金蠶則不敢動雖匿榻下墻罅果爲兩蝟擒出之亦可駭也又嶠嶺多蜈蚣動長二三尺螫人求死不得然獨畏托胎蟲多延行井幹墻壁上蜈蚣雖大偶從下過托胎蟲必自落於地蜈蚣爲

局縮不得行托胎蟲乃徐徐圍繞周匝蜈蚣愈益縮然後登其首陷腦而食之以故人遭蜈蚣害必取托胎蟲涎輒生擣塗焉痛立止且金蠶甚毒若有鬼神蜈蚣若是之強且大也然蝟捕金蠶托胎制蜈蚣物理有不可致詰而不可知者如此

宋蔡條鐵圍山叢談

金蠶蠶金色食以蜀錦取其遺糞置飲食中毒人必死喜能致他財使人暴富遺之極難雖水火兵刃不能害多以金銀藏篋置蠶其中投之路隅人或收之以去謂之嫁金蠶

宋東湖魯應龍閑意括異志

池州進士鄒閔食貧有守一日將之外邑凌晨啓戶見一小箬機謹按虛谷籠子在門外無封鎖開視之乃白金酒器數十事約重百兩殆曉寂無追捕者遂挈歸謂其妻曰此物無脛同上而至豈天賜我乎語未絕閔覺左股上有物蠕動見金色爛然乃一蠶也遂撥去之未迴手復在舊處以足踐之雖隨足而碎復在閔胃腹在同上無上矣弃之於水投之於火刀傷斧斫皆不能害衾裯飲食之間無所不在閔甚惡之遂訪友人有識者曰吾子為人所賣矣此謂之金

蠶延至吾鄉雖小而為禍頗大能入人腹中殘齧腸胃復完然而出閤愈懼乃以籠挈之爭告之其友曰吾固知之矣子能事之即得暴富矣此蟲日食蜀錦四寸收取糞乾而屑之置少許於飲食中人食之者必死蟲得所欲日致它財以報之閤笑曰吾豈為此也友曰固知子不為也然則奈何閤曰復以此蟲并舊物置籠中弃之則無患矣友人曰凡人畜此蟲久而致富即以數倍之息并元物以送之謂之嫁金蠶其蟲乃去直以元物送之必不可遣今子貧居豈有

數倍之物乎實為子憂之閤乃仰天嘆息曰吾平生以清白自處誓不失節不幸今有此事遂歸家其妻曰今固事之不可送之又不能惟有死耳若等好為後事乃取其蟲擲於口中而吞之舉家救之不及妻子號慟謂其必死數日間無所苦飲啜如故逾月亦無恙竟以壽終因白金之故亦致小康豈以至誠之感不為害乎

宋畢仲詢幕府燕間錄

池州進士鄒閤食貧有守一日將之外邑凌晨啓戶見一小竊籠子在門外無封鎖開視之乃白金酒器

數十事約重百兩殆曉寂無追捕者遂挈歸謂其妻曰此物無因而至豈天賜我乎語未絕覺股上有物蠕蠕動金色爛然乃一蠶也遂撥去之未回手復在舊處以足踐之雖隨足而碎復在閻胸腹上矣棄之水投之火刀傷斧碎皆即如故衾裯飲食之間無所不在閻甚惡之友人有識者曰吾子爲人所賣矣此所謂金蠶蟲者是也始自閻廣近至吾鄉物雖小而爲禍大能入人腹中殘嚙腸胃復完然而出閻愈懼乃以箚籠事告之其友曰吾固知之矣子能事之即

得所欲日致他財以報耳閻笑曰吾豈爲此也友曰固知子不爲也然則奈何閻曰復以此蟲并舊物置籠中棄之則無患矣友人曰凡人畜此雖久而致富卽以數倍之息并原物以送之謂之嫁金蠶其蟲乃去直以元物送之心不可遣今子貧居豈有數倍之物乎實爲子憂之閻乃仰天歎息曰吾平生以清白自處誓不失節不幸今有此事遂歸家告其妻曰今爭之固不可送之又不能惟有死耳若等好爲後事乃取其蟲擲於口而吞之舉家救之不及妻子號慟

謂其必死數日間寂無所苦飲啜如故逾月亦無恙竟以壽終其家亦因獲金之故遂致小康豈以至誠之感妖孽不能為害乎

宋方回虛谷間抄

馬監場云泉州一僧能治金蚕蠱毒如中毒者先以白礬末令嘗不澁覺味甘次食黑豆不腥乃中毒也即濃煎石榴皮根飲之下即吐出有蟲皆活無不愈者李晦之云凡中毒以白礬牙茶搗為末冷水飲之

即愈

西溪叢語

按陳藏器云故錦灰療食錦蟲蠱毒註云蟲屈如指

環食故緋帛錦如蠶之食葉也今攷之此蟲即金蠶也蔡條叢話云金蠶始於蜀中近及湖廣閩粵浸多狀如蠶金色日蜀錦四寸南人畜之取其糞置飲食中以毒人人即死也蠶得所欲日置他財使人暴富然遣之極難水火兵刃所不能害必倍其所致金銀錦物置蠶於中投之路傍人偶收之蠶隨以往謂之嫁金蠶不然能入人腹殘啣腸胃完然而出如尸蟲也有人守福清民訟金蠶毒治求不得或令取兩刺蝟入其家捕之心獲蝟果於榻下墻隙擒出夫金蠶

甚毒若有鬼神而蠋能制之何耶又幕府燕間錄云池州進士鄒閔家貧一日啓戶獲一小籠內有銀器持歸覺股上有物蠕蠕如蠶金色爛然遂撥去之仍復在舊處踐之斫之投之水火皆即如故閔以問友人友人曰此金蠶也備告其故閔歸告妻云吾事之不可送之家貧何以生為遂吞之家人謂其必死寂無所苦竟以壽終豈至誠之盛歟不勝正邪時珍竊謂金蠶之蠱為害甚大故備書二事一見此蠱畏蠋一見至誠勝邪也夷堅志言中此蠱者吮白礬味甘

嚼黑豆不腥以石榴根皮煎汁吐之醫學正傳用樟木屑煎汁吐之亦一法也愚意不若以蠋皮治之為

勝其天明李東璧本草綱目

蠱蟲北地所無獨西南方有之閩廣滇貴關中延緬臨洮皆有之但各處之方有不同耳閩廣之法大約以端午日取蛇蜈蚣蜥蜴蜘蛛之屬聚為一器聽其自咬其它盡死獨留其一則毒之尤矣以時祭之俾其行毒毒之初行必試一人若無過客則以家中一人當之中毒者絞痛吐逆十指俱黑嚼豆不腥含礬

不苦是其驗也。其毒遠發十載，近發一時。初覺之時，尚可用甘草、菜豆、諸藥解之。及真麻油吐之。三月以後不可為也。又有桃生蠱，食雞魚之類，皆變為生者。又能易人手、足及心、肝、腎、腸之屬。及死視之，皆木石也。又有金蠶毒，川、坑多有之。食以蜀錦，其色如金。取其糞置飲食中，毒人必死。能致它人財物，故祀之者多致富。或不祀，則多以金、銀、什物裝之道。左謂之嫁金蠶，夷堅志所載。有得物者，夜而蛇至，其人知其蠱也，生捉而啖之，至盡飲酒數斗而卧，帖然無恙。說海

載福清有訟金蠶毒者，取二刺蝟取之，立得。然今福

清不惟無金蠶，亦無刺蝟也。

明謝肇淛五雜俎

賴子俊，廖高，滿皆上杭人翁婿也。子俊亦傳其婦翁張德之術。于每羊端午，採取百般毒蟲，封貯瓦罐，自相殘食。逾年，啓視獨存一蟲，形如蠶，色用金三四片茶葉，楓香養之。擇日占斷，一年當用幾次。依占取出蟲糞，秘置飲食中，使人腹痛。死後，鬼為之力，作致富翁婿，遞相承受。逢朔望日，夫婦赤身拜祝云：金蠶公金蠶娘，我家夫婦沒衣裳等語。萬曆三十一年間


本鄉曾蓮峯廖永祥等連遭斃命事發到官驗屍黑蟲群飛搜其室金蠶在確用炭火燒絕二惡並服上

刑汀州府誌


蓄蠱之家久必為禍須以銀物伴送親密或置道傍謂之嫁金蠶萬曆四十六年歸化人楊興嚴孝孫馮崑山温三九鄧苟先等互相傳授鄉民羅守仁羅瑞等遭之慘斃臨塋舉棺內如水動及開視身屍皆成血水骨節皆有蟲眼事發供吐請神呪詔稱茅山一即茅山二郎金花小姐梅花小娘蚕到爐前存雷形

跡等語其被害處或午後或夜來有冷風一陣即見鬼形在旁令其耕田插稻無往不可解法用茶子殼煎湯飲瀉毒盡始愈同上


黟山在淄川城東世傳有仙人藏穀種於洞中數年一次出晒種種於地回頭即黃謂之回頭黃又洞中仙人養金蠶後有拾金蠶者濟南府志



石中蟻



蟲屬 石中蟻



石中蟻螬

右千牛撫曹王文秉丹陽人世善刻石其祖嘗為浙西廉使裴璩采碑於積石之下得一自然圓石如球形試加斲斲乃重疊如殼相包斲之至盡其大如拳破視之中有一蠶如蟻螬蠕蠕能動人不能識因棄之數年浙西亂王出奔至蜀下與鄉人夜會語及青扶西送還錢事坐中或云人欲求富莫如得石中金蠶蓄之則寶貨自至矣問其形狀則石中蟻螬也

宋東

海徐鉉
稽神錄

丹陽人採碑於積石之下得自然圓石試加磨琢乃重疊相也至盡如拳破之有一蟲出於中似蟻螬狀蠕蠕能動人不能熟識因棄之後有人語之曰人欲求富貴莫若得石中金蠶畜之則實貨自至詢其狀則石中蟻螬也五色線

機謹按相也疑相包之誤也實當作寶

猫鬼

猫鬼

隋書曰、獨孤、陁性好左道、其外祖母高氏先事猫鬼、已殺其男郭沙羅、因入其家、上微聞而不信、會獻皇后及楊素妻鄭氏俱有疾、召醫視之、皆曰此猫鬼疾、上以陁后之異、母弟陁妻楊素之異、母妹由是意陁所為陰、令其兄穰以情喻之、上又避左右、諷陁、陁言無有、上不悅、左遷、出怨言、上令高頴、蘇威、大理正皇甫孝緒、大理丞楊遠等推案、陁婢徐阿尼言、本從陁母家來、常事猫鬼、每以子日夜祀之、言子者鼠也、其

猫鬼每殺人者所死家財物潛移於蓄猫鬼家。陶常從家中索酒，其妻曰：無錢可酤。陶因謂阿尼曰：可令猫鬼向越公家，我使足錢。阿尼便咒之，居數日，猫鬼向素家，後上初從并州還，陶於園中謂阿尼曰：可令猫鬼向皇后所使，賜吾物。阿尼復咒之，遂入宮中，多楊遠乃於門下外省遣阿尼呼猫鬼。阿尼於是夜中置香粥一盆，以匙扣而呼曰：猫女可來。無往宮中久之，阿尼色正青，若被牽曳者云：猫鬼已至上，以事下公卿。竒章公牛弘曰：妖由人興，殺其人可以絕矣。令

以犢車載陶，夫妻將賜死於其家。陶第整詣闕求哀，於是免。陶死，除名，以其妻楊氏為尼。先是人訟其母為人猫鬼所殺者，上以為妖妄，怒而遣之。及此詔追行，猫鬼家陶未幾而卒。太平御覽南北朝多事蠱毒，有所謂猫鬼者。觀隋獨孤陶傳，其家每夜以子時祀猫鬼，言子者鬼也。其猫鬼每殺者，所死之家財物潛移於畜猫鬼家。故當時下詔禁之，甚力。謂畜猫鬼之家投四裔，余始不曉猫鬼為何物，因觀巢氏猫源，知猫鬼乃老狸野物之精，變而為鬼。

蠅而依附於人人畜之以毒害人其病心腹刺痛食人腑臟吐血而死乃知猫鬼如此

宋王楙野客叢談

金谷園記隋文帝開皇十八年五月禁畜猫鬼蠱毒

厭味野道者獨孤后之弟延州刺史阇有婢事猫鬼

能使之殺人會后與楊素妻俱有疾醫皆曰猫鬼疾

也上意阇取為令高等雜治之具得其實詔夫婦

皆賜死


明馮應京月令廣義

機謹按本邦四國中有犬神蛇神者妖民家系世

傳其家人猶傳尸蓋有其所欲則毒他人令其人

病是蠱毒猫鬼之類也

藏物類考卷之四



日本書紀卷之六

